



大宋新譯三藏聖教序

御製

三經

大矣哉我佛之教也化導群迷闡揚宗性廣博宏辯美音莫能究其旨精微妙說庸愚豈可度其源義理幽玄真空莫測苞括萬象譬喻無垠綜法網之紀綱演無際之正教拔四生於苦海譯三藏之秘言天地變化乎陰陽日月盈虧乎寒暑大則說諸善惡細則比於恒沙含識萬端弗可盡述若窺像法如影隨形離六情以長存歷千劫而可久須彌納藏於芥子如來坦蕩於無邊達磨西來法傳東土宣揚妙理順從指歸彼岸菩提愛河生滅用行於五濁惡趣拯溺於三業途中經垂世以難窮道無私而永泰雪山貝葉若銀臺之耀目歲月煙蘿起香界之自遠巍巍罕測香香難名所以道資十聖德被三賢至道起於乾元衆妙生乎太易總繁形類窳鑿昏明絕彼是非開茲蒙昧有西域法師天息災等常持四忍早悟三乘翻

佛說法華經

佛說

佛說

貝葉之真詮續入天之聖教芳猷重啓運偶昌時潤五聲於文章暢四始於風律堂堂容止穆穆輝華曠劫而昏墊重明玄門昭顯軌範而彌光妙法淨界騰音利益有情俱登覺岸無成障礙救諸疲羸冥味慈悲浩汗物表柔伏貪復啓滌昏愚演小乘聲聞合其儀論大乘正覺立其性合靈悟而蒙福藏教缺而重興幻化迷途火宅深喻雖設其教不知者多善念生而無量潛臻惡業興而隨緣皆墜調御四衆積行十方澍花雨於金輪護恒沙於玉闕有頂之風不可壞無際之水弗能漂澄寂湛然圓明清淨之智慧性空無染妄想解脫之因緣可以離煩惱於心田可以得清涼於宇宙朕慙非博學釋典微聞豈堪序文以示來者如原螢燭火不足比之於皎日將微蠶量海未能窮盡於深淵者哉

佛說法華五法經一

如來應正等覺在舍衛國為彼未來

雜藏部 第三卷 經字

觀察而住是時無量諸天及人知佛世尊是人天師恭信供養尊重讚歎利樂名稱而得最上各各奉上名衣妙饌卧具湯藥尔時世尊以利樂故咸皆受用而無染著如蓮在水但令人天諸有情眾獲勝福果得妙莊嚴為彼人天而降甘露使彼人天久久依住復令無量俱胝那由他百千有情獲得甘露乃至令度生老病死輪迴苦難乃至令脫地獄大嶮難故使得安樂寂靜平正無怖無畏獲得涅槃又復不離摩伽陀國罽毘曼隸國迦尸國憍薩羅國俱嚕牟左羅國等罽毘王摩蹉王戎囉細那王尸尾王那舍囉拏罽毘王是諸王等見已以佛智力彼皆降伏又復能於天經行處行梵經行處行聖經行處行空經行處行寂靜經行處行佛佛經行處行師師經行處行能知者經行處行正福知經行處行得心開解得最上波羅蜜多世尊復次一切所有經行處彼所求經行悉能經行

尔時世尊告苾芻眾言有五種法當

雜藏部 第三卷 經字

住具足當來苾芻常行何等五法此苾芻不知阿鉢帝不知非阿鉢帝不知輕阿鉢帝不知重阿鉢帝是新戒是減五年苾芻此五種法具足者此苾芻不合住勸事苾芻五種法具足知者是苾芻合住勸事何等五法此苾芻知苾芻阿鉢帝知非阿鉢帝知輕阿鉢帝知重阿鉢帝得滿五年得餘五年苾芻此五種法具足者得住勸事苾芻復有五法具足者是苾芻不得離依止住何等五法此苾芻不知波羅提木又不知說波羅提木又不知結界不知結界事是斷戒是減五年此苾芻具此五種法不得離依止住苾芻此五法具足者是苾芻得離依止住何等五法此苾芻知苾芻波羅提木又知說波羅提木又知結界知結界事是滿五年是五年餘如是苾芻此五法具足者得離依止住苾芻別有五法具足者是苾芻不得離依止住何等五法此苾芻不知寶沙他不知寶沙他事業不知結界不知結界事業是新戒是減五年苾芻此五種法

雜藏部 第三卷 經字

具足者不得離依止住苾芻此五法具足者是苾芻得離依止住何等五法此苾芻知苾芻寶沙他知寶沙他事業知結界知結界事業是滿五年是餘五年苾芻具足此五法者得離依止住復次苾芻有五正念云何為五正念謂行報應命終不為財利念出世苾芻此為五正念復次苾芻別有五依止正念何等為五謂飲食禮事不過師界師同住五年分明此是五依止正念苾芻此五依止正念報應等當知阿鉢帝知何等阿鉢帝當知五阿鉢帝何等為五謂波羅夷僧伽婆尸沙波逸提戒當知各四種說五知阿鉢帝如是知阿鉢帝復次知非阿鉢帝云何知非阿鉢帝相常行非阿鉢帝如是知非阿鉢帝復次知輕阿鉢帝云何知輕阿鉢帝謂行深怖輕阿鉢帝云何行謂行四波羅夷法輕阿鉢帝行十三僧伽婆尸沙法輕阿鉢帝行三十捨墮波逸提法輕阿鉢帝行九十二波逸提法輕阿鉢帝行九十二波逸提法清淨各四說輕

阿鉢帝其餘五十 戒法輕阿鉢帝如
 是所行得輕阿鉢帝如是知輕阿鉢
 帝次知重阿鉢帝云何知重阿鉢帝
 所行之行得重阿鉢帝其餘行五十
 戒法重阿鉢帝各四說九十二波逸
 提法重阿鉢帝所行清淨九十二波
 逸提法清淨三十捨墮波逸提法重
 阿鉢帝所行清淨三十捨墮波逸提
 法清淨十三僧伽婆尸沙法重阿鉢
 帝所行清淨十三僧伽婆尸沙法清
 淨四波羅夷法重阿鉢帝如是所行
 之得重阿鉢帝如是知重阿鉢帝
 是五年是滿五年是五年餘如是得
 信依止復次知波羅提木云何知
 波羅提木云何知波羅提木云何知
 見前行住坐卧過去見在身口意等
 觀察妙行如是知波羅提木云何知
 說波羅提木云何知說波羅提木
 又有七波羅提木云何等為七當云
 何說說四波羅夷法餘所聞當說此
 第一說波羅提木云何說說四波羅夷
 法十三僧伽婆尸沙法餘所聞當說
 此第二說波羅提木云何說說四波羅

夷法十三僧伽婆尸沙法三十捨墮
 波逸提法餘所聞當說此第三說波
 羅提木云何說說四波羅夷法十三僧
 伽婆尸沙法三十捨墮波逸提法九
 十二波逸提法清淨餘所聞當說此
 第四說波羅提木云何說說四波羅夷
 法十三僧伽婆尸沙法三十捨墮波
 逸提法九十二波逸提法清淨各四
 法解說其餘所聞當說此第五說波
 羅提木云何說說四波羅夷法十三僧
 伽婆尸沙法三十捨墮波逸提法九
 十二波逸提法等清淨各四說五十
 戒法餘所聞當說此第六說波羅提
 木云何說說一廣說此是第七說波羅
 提木云何說說波羅提木云何如是知
 說波羅提木云何知結界云何知結界
 謂今衆十四日十五日結界如是知
 結界次知結界事云何知結界事一
 受持二請名三請四請五衆結界如
 是知結界事是五年是滿五年是五
 年餘如是知得念依止次知寶沙他
 云何知寶沙他今衆十四日十五日
 寶沙他如是知寶沙他次知寶沙他

事云何知寶沙他事一受持二請名
 三請四請五衆寶沙他如是知寶沙
 他次知結界云何知結界謂五種五
 種集結界如是知結界事云何知結
 界事捨墮不得結界當低小座飲食
 當辦食飲已所作應作如是知結界
 事是五年是滿五年是餘五年如是
 得念依止又行道云何行道謂阿闍
 梨行道自行行道如是是念依止次分
 別行道云何分別知阿闍梨說戒知
 自說戒如是得念依止又分別過時
 云何過時謂阿闍梨過時自過時如
 是得念依止如是過時不為財利云
 何不為財利謂彼僧伽藍住阿闍梨
 不為財利如是得念依止如是不為
 利養半月行云何半月行謂阿闍梨
 半月半月同懺悔如是得念依止如
 是半月行無阿鉢帝云何無阿鉢帝
 謂阿闍梨令去某甲處受依止如是
 得念依止又言行云何言行謂依阿
 闍梨言不用汝依止行如是得念依
 止如是依行不犯師界云何不犯師
 界謂不犯師聚落界如是得念依止

佛說

卷五

經

如是不犯師乘落界同師懺悔去何
 同師懺悔謂半月半月同師懺悔如
 是得念依止如是同師懺悔五年分
 明得念依止苾芻當具足此五種法
 此苾芻法當依行彼法無阿鉢帝彼
 所有戒法當日得訥瑟訖哩_{令多}
 尔時世尊說是五種法已諸苾芻衆
 及諸人天瞻奉旋遠作禮而退

佛說苾芻五法經

佛說苾芻五法經

校勘記

- 一 底本，金藏廣勝寺本。
- 一 九九三頁中一行至本頁下二〇行序文，諸本無。
- 一 九九三頁下二一行經名，石作「佛說苾芻五法經一卷」，卷末經名同；
資、磧、普、南、徑、清、麗作「佛說苾芻五法經」。
- 一 九九三頁下二二行譯者，資、磧、普、南作「西天譯經三藏朝散大夫試鴻臚少卿傳教大師法天奉詔譯」；徑、清作「宋西天三藏朝散大夫試鴻臚少卿傳教大師法天奉詔譯」。
- 一 九九五頁上末行「第二說」，徑作「第二法」。